



Broj: 201/25

Datum: 29.05.2025. godine

Na osnovu člana 1 dio C) stav (4) Programa utroška sredstava u korist Razvojno-garantnog fonda Brčko distrikta Bosne i Hercegovine za Program subvencionisanja dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta Bosne i Hercegovine, broj: 13-000260/25 od 16.04.2025. godine (u daljem tekstu: Program), a u skladu sa članom 12. Statuta Razvojno-garantnog fonda Brčko distrikta Bosne i Hercegovine, broj: 200/24 od 15.08.2024. godine, Upravni odbor Razvojno-garantnog fonda Brčko distrikta Bosne i Hercegovine (u daljem tekstu: "RGFBD"), na svojoj 86-oj sjednici, održanoj dana 30.05.2025. godine, donosi:

Pravila i procedure Razvojno-garantnog fonda Brčko distrikta BiH za subvencionisanje dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta Bosne i Hercegovine za 2024. godinu

Član 1 (Predmet)

Ovim Pravilima i procedurama Razvojno-garantnog fonda Brčko distrikta Bosne i Hercegovine za subvencionisanje dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta Bosne i Hercegovine za 2024. godinu (u daljem tekstu: Pravila i procedure), regulišu se: sredstva, korisnici Programa, uslovi koje treba ispuniti korisnik, kriteriji za raspodjelu sredstava, minimalni i maksimalni iznos, raspisivanje javnog poziva, način podnošenja zahtjeva, potrebna dokumentacija za preduzeća i preduzetnike, potrebna dokumentacija za fizička lica nosioce poljoprivrednih gazdinstava, procedura odobravanja, pravo žalbe, način isplate sredstava korisnicima, troškovi provizije i rok provođenja Programa.

Član 2 (Sredstva)

Ukupan iznos sredstava namijenjenih za subvencionisanje dijela kamata iznosi 1.200.000,00 KM obezbijeđen Budžetom Brčko distrikta Bosne i Hercegovine za 2025. godinu.

Član 3 (Korisnici Programa subvencionisanja)

(1) Pravo na korišćenje subvencije dijela kamata imaju preduzeća i preduzetnici sa područja Brčko distrikta Bosne i Hercegovine koji:

- a) imaju sjedište preduzeća ili preduzetnika u Brčko distriktu Bosne i Hercegovine,

- b) su registrovani kao preduzeće ili preduzetnik, u skladu sa zakonima Brčko distrikta Bosne i Hercegovine,
- c) registrovanu djelatnost obavljaju na području Brčko distrikta Bosne i Hercegovine,
- d) sa 31.12.2024. godine imaju najmanje 50% od ukupnog broja zaposlenih lica sa prebivalištem u Brčko distriktu Bosne i Hercegovine ili su preduzeća ili preduzetnici sa sjedištem u Brčko distriktu Bosne i Hercegovine koji zapošljavaju više od 100 zaposlenih, od kojih najmanje 50 zaposlenih radnika preduzeća ili preduzetnika imaju prebivalište u Brčko distriktu Bosne i Hercegovine sa 31.12.2024. godine.

(2) Pravo na korišćenje subvencije dijela kamata imaju i fizička lica nosioci poljoprivrednih gazdinstava, koja imaju prebivalište u Brčko distriktu Bosne i Hercegovine i koja su upisana u Registar poljoprivrednih gazdinstava i Registar klijenata na području Brčko distrikta Bosne i Hercegovine.

(3) Pravo na subvencionisanje dijela kamata imaju preduzeća, preduzetnici i fizička lica nosioci poljoprivrednih gazdinstava, koji imaju prebivalište u Brčko distriktu Bosne i Hercegovine i koji su upisani u Registar poljoprivrednih gazdinstava i Registar klijenata na području Brčko distrikta Bosne i Hercegovine, na kredite čiji anuiteti dospijevaju u 2024. godini, pod uslovom da su uredno vraćali kredite u prethodnom periodu.

(4) Pravo na korišćenje subvencije dijela kamata ne mogu ostvariti:

- a) banke niti druge finansijske organizacije i osiguravajuća društva koja su u skladu s Odlukom o klasifikaciji djelatnosti Brčko distrikta Bosne i Hercegovine upisani u području „K Finansijska djelatnost i djelatnost osiguranja“ u oblastima 64-66,
- b) preduzeća i preduzetnici koji su u skladu sa Odlukom o klasifikaciji djelatnosti Brčko distrikta Bosne i Hercegovine upisani u područje „R djelatnosti kockanja i klađenja“, oblast 92.00.,
- c) javna preduzeća,
- d) javne ustanove,
- e) ustanove koje su registrovane u skladu sa Zakonom o visokom obrazovanju u Brčko distriktu Bosne i Hercegovine,
- f) udruženja koja su registrovana u skladu sa Zakonom o udruženjima i fondacijama Brčko distrikta Bosne i Hercegovine i Zakona o mjesnim zajednicama u Brčko distriktu Bosne i Hercegovine,
- g) preduzeća i preduzetnici koji su brisani iz Registra preduzeća i preduzetnika Brčko distrikta Bosne i Hercegovine najkasnije 30 dana do dana objavljivanja javnog poziva za podnošenje zahtjeva za subvencionisanje dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta Bosne i Hercegovine za 2024. godinu,
- h) fizička lica nosioci poljoprivrednog gazdinstva koja su brisana iz Registra poljoprivrednih gazdinstava i Registra klijenata na području Brčko distrikta Bosne i Hercegovine, najkasnije 30 dana do dana objavljivanja javnog poziva za podnošenje zahtjeva za subvencionisanje dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta Bosne i Hercegovine za 2024. godinu.

(5) Šifre oblasti navedene u stavu 4 tačke a) i b) ovog člana utvrđuju se na osnovu Obavještenja o razvrstavanju poslovnog i drugih subjekata prema djelatnosti koje izdaje Agencija za statistiku Bosne i Hercegovine, Podružnica/ekspozitura Brčko na osnovu Zakona o statistici Bosne i Hercegovine i Zakona o klasifikaciji djelatnosti u Brčko distriktu Bosne i Hercegovine, pod stavom Šifra razreda djelatnosti.

Podnosiocima zahtjeva koji nisu u mogućnosti dostaviti Obavještenja o razvrstavanju poslovnog i drugih subjekata prema djelatnosti, šifra oblasti se utvrđuje Izvodom iz sudskog registra pod Djelatnost sudskog upisa u unutrašnjem prometu, upisanoj pod Pretežna djelatnost.

Član 4 **(Uslovi koje treba da ispuni korisnik)**

(1) Uslove koje treba ispuniti korisnik su:

- a) da je preduzeće ili preduzetnik registrovan u Osnovnom sudu Brčko distrikta Bosne i Hercegovine,
- b) da vrši namjensko ulaganje sredstava na području Brčko distrikta Bosne i Hercegovine,
- c) da preduzeće ili preduzetnik nije pod stečajem ili likvidacijom, odnosno da nije predmet postupka za proglašenje stečaja ili likvidacije,
- d) da uredno izmiruje obaveze prema Brčko distriktu Bosne i Hercegovine, a koje se odnose na obaveze po osnovu poreza na dobit, odnosno poreza na dohodak, i doprinosa na ime doprinosa za zdravstveno osiguranje i doprinosa za zapošljavanje,
- e) da uredno izmiruje obaveze po osnovu doprinosa za penzionirovanje/mirovinsko osiguranje, a koje se odnose na izmirenje obaveza po osnovu fonda PIO RS i fonda PIO/MIO Federacije BiH, sa periodom ne starijim od 90 dana od dana raspisivanja javnog poziva,
- f) da 31.12.2024. godine imaju najmanje 50% lica sa prebivalištem u Brčko distriktu Bosne i Hercegovine, od ukupnog broja zaposlenih lica ili da 31.12.2024. godine zapošljava više od 100 zaposlenih radnika, od kojih najmanje 50 zaposlenih imaju prebivalište u Brčko distriktu Bosne i Hercegovine,
- g) da u skladu sa članom 3. Zakona o sistemu državne pomoći u Bosni i Hercegovini u tri prethodne fiskalne godine (2022., 2023. i 2024. godina) nisu primili državnu pomoć male vrijednosti (de minimis pomoć) u iznosu većem od 200.000 eura.

„RGFBD“ će službenim putem pribaviti podatke iz tačke (d), o urednosti izmirenja obaveza po porezima i doprinosima u Brčko distriktu Bosne i Hercegovine od nadležnih institucija.

(2) Uslov koji treba da ispuni korisnik iz člana 3 stava (2) je da je isti upisan u Registar poljoprivrednih gazdinstava i Registar klijenata na području Brčko distrikta Bosne i Hercegovine.

(3) Odredba stava 1 tačka g) ovog člana neće se primjenjivati na preduzeća i preduzetnike iz sektora poljoprivrede shodno članu 4 stav 2 tačka a) Zakona o sistemu državne pomoći u Bosni i Hercegovini kojim je propisano da se navedeni Zakon ne primjenjuje na državnu pomoć za poljoprivredu i ribarstvo i navedena preduzeća i preduzetnici nisu dužni dostaviti izjavu o primanju državne pomoći.

Član 5 **(Kriteriji za raspodjelu sredstava)**

(1) Subvencionisani dio kamate biće primjenjen na kredite odobrene za sve namjene, osim za one koji će biti korišteni za nabavku putničkih i terenskih vozila, a koja ne služe za obavljanje registrovane djelatnosti.

(2) Subvencionisani dio kamata biće primjenjen i za nabavku osnovnih sredstava putem lizinga, osim lizinga za putnička i terenska vozila, koja ne služe za obavljanje registrovane djelatnosti.

(3) Kamata će se subvencionisati za kredite koji su odobreni putem svih banaka u Bosni i Hercegovini.

(4) Kamata za individualna poljoprivredna gazdinstva subvencionisaće se i na kredite odobrene u mikrokreditnim organizacijama u Bosni i Hercegovini.

(5) Subvencionisaće se i dio troškova na ime plaćanja profitne marže od strane korisnika bankarskih sredstava prema bankama koje na takav način posluju. Trošak ne uključuje troškove obrade zahtjeva i troškove penala.

(6) Subvencionisaće se dio kamata na odobrene kredite sa rokom otplate do petnaest (15) godina i kamatnom stopom do 10%, a u skladu sa odedbama člana 6 ovih Pravila i procedura.

Član 6 **(Minimalni i maksimalni iznosi)**

(1) Minimalan iznos kredita za preduzeća i preduzetnike iz oblasti 10-33 - Prerađivačka industrija je 5.000,00 KM, a maksimalan iznos kredita za koji će se subvencionisati dio kamata je 1.500.000,00 KM. Izuzetno maksimalan iznos kredita za koji će se subvencionisati dio kamata može biti 3.000.000,00 KM, ukoliko ugovorena kamatna stopa iznosi do 5%.

(2) Za preduzeća i preduzetnike iz ostalih oblasti, minimalan iznos kredita za koji će se subvencionisati dio kamate je 5.000,00 KM, dok je maksimalni iznos kredita 250.000,00 KM. Izuzetno maksimalan iznos kredita za koji će se subvencionisati dio kamata može biti 500.000,00 KM, ukoliko ugovorena kamatna stopa iznosi do 5%.

(3) U slučaju da korisnik subvencije dijela kamata na kredite realizuje kredit veći od 3.000.000,00 KM, odnosno veći od 500.000,00 KM, sa ugovorenom kamatnom stopom do 5% ili realizuje kredit veći od 1.500.000,00 KM, odnosno 250.000,00 KM, sa kamatnom stopom do 10%, „RGFBD“ će subvencionisati dio kamata na iznos kredita do navedenih iznosa, a za razliku preko ovih iznosa kredita neće se subvencionisati dio kamata.

(4) Ukoliko preduzeće ili preduzetnik realizuje dva ili više kredita imaće pravo na subvencionisanje dijela kamata na zbir kredita koji ne prelaze iznos iz stavova (1) i (2) ovog člana. Bez obzira na iznos kredita i različite kamatne stope, prilikom obračuna uzimaće se isključivo jedan od limita, koji je povoljniji za korisnika, s tim:

- a) ako se koristi niži limit (1.500.000,00 KM iz oblasti prerađivačke industrije ili 250.000,00 KM za ostale oblasti) mogu se u obzir uzimati, odnosno sabirati krediti sa kamatnim stopama do i preko 5%;
- b) ako se koristi viši limit (3.000.000,00 KM iz oblasti prerađivačke industrije ili 500.000,00 KM za ostale oblasti) u obzir će se uzimati i sabirati samo kredite sa kamatnom stopom do 5%.

(5) Minimalan iznos kredita za koji će se subvencionisati dio kamata za fizička lica nosioce poljoprivrednog gazdinstva je 3.000,00 KM, a maksimalan iznos kredita za koji će se subvencionisati dio kamata za fizička lica nosioce poljoprivrednog gazdinstva je 30.000,00 KM.

(6) Procenat subvencionisanog dijela kamata za odobrene kredite dobije se tako što se iznos ukupnih sredstava iz člana 2 ovih Pravila i procedura stavi u odnos sa iznosom ukupno priznatih kamata po kreditima uplaćenim u 2024. godini dobijenim nakon prikupljenih i obrađenih zahtjeva za 2024. godinu.

Ukoliko, nakon izračuna pojedinačnih iznosa subvencionisanog dijela kamata nakon primjene utvrđenog procenta i primjene ograničenja iz stava 7 (sedam) ovog člana, ostane slobodnih sredstava, utvrđivat će se novi procenat, s tim što isti ne može biti veći od 50%.

(7) Maksimalan iznos subvencioniranog dijela kamata za odobrene kredite koji jedno preduzeće ili preduzetnik može dobiti je:

- do visine zbira uplaćenog poreza na dobit za pravna lica, odnosno uplaćenog poreza na dohodak za preduzetnike u budžet Brčko distrikta BiH za 2024.-u godinu i uplaćenih doprinosa u budžet Brčko distrikta BiH (po osnovu doprinosa za zdravstveno osiguranja i doprinosa za zapošljavanje) u 2024.godini.
- maksimalno 50% od iznosa priznate kamate uplaćene u 2024.-oj godini.
- 70.000,00 KM.

(8) „RGFBD“ će službenim putem pribaviti podatke o visini uplaćenih poreza i doprinosa u Brčko distriktu Bosne i Hercegovine (po osnovu doprinosa za zdravstveno osiguranje i doprinosa za zapošljavanje), upućivanjem zahtjeva Poreskoj upravi Brčko distrikta Bosne i Hercegovine, Fondu zdravstvenog osiguranja Brčko distrikta Bosne i Hercegovine i Zavodu za zapošljavanje Brčko

distrikta Bosne i Hercegovine za dostavu podata o visini upaćenih doprinosa u 2024. godini po priloženom spisku.

(9) Šifre oblasti iz stava 1 i 2 ovog člana utvrđuju se na osnovu Obavještenja o razvrstavanju poslovnog i drugih subjekata prema djelatnosti koje Izdaje Agencija za statistiku Bosne i Hercegovine, Podružnica/ekspozitura Brčko na osnovu Zakona o statistici Bosne i Hercegovine i Zakona o klasifikaciji djelatnosti u Brčko distriktu Bosne i Hercegovine, pod stavom Šifra razreda djelatnosti. Podnosiocima zahtjeva koji nisu u mogućnosti dostaviti Obavještenja o razvrstavanju poslovnog i drugih subjekata prema djelatnosti, šifra oblasti se utvrđuje Izvodom iz sudskog registra pod Djelatnost sudskog upisa u unutrašnjem prometu, upisanoj pod Pretežna djelatnost.

Član 7

(Raspisivanje javnog poziva)

(1) „RGFBD“ će raspisati javni poziv za podnošenje zahtjeva za subvencionisanje dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta Bosne i Hercegovine za 2024. godinu (udaljem tekstu: Javni poziv)

(2) Javni poziv biće otvoren trideset (30) dana od dana objavljivanja i biće objavljen na oglasnoj tabli „RGFBD“ i web stanici www.rgfbd.com

Član 8

(Način podnošenja Zahtjeva)

(1) Zahtjev za subvencionisanje dijela kamate (profitne marže) podnosi se „RGFBD“ u pismenoj formi na obrascu „RGFBD“.

(2) Obrazac zahtjeva za subvencionisanje dijela kamata (profitne marže) po Programu Vlade Brčko distrikta Bosne i Hercegovine za 2024. godinu, obrazac izjave o broju zaposlenih radnika na dan 31.12.2024. godine i obrazac izjave vezane za primanje državne pomoći dostupni su na web stranici „RGFBD“ i mogu se lično preuzeti i u prostorijama „RGFBD“.

Član 9

(Potrebna dokumentacija za preduzeća i preduzetnike)

(1) Preduzeća ili preduzetnici uz zahtjeve prilažu slijedeća dokumenta:

- a) Potvrda banke o redovnoj otplati kredita sa pregledom obračunatih i naplaćenih kamata (analitička kartica) za period za koji se vrši subvencija dijela kamate, odnosno za period od 01.01.2024. do 31.12.2024. godine,
- b) Ugovor o kreditu,
- c) Izvod iz sudskog registra, ne stariji od 30 (trideset) dana od dana raspisivanja javnog poziva,
- d) Obavještenje o razvrstavanju poslovnog i drugog subjekta prema djelatnosti,
- e) Dokaz o izmirenim obavezama po osnovu Fonda PIO RS izdat od nadležne institucije, sa stanjem ne starijim od 90 dana od dana raspisivanja javnog poziva,
- f) Dokaz o izmirenim obavezama po osnovu Fonda PIO/MIO Federacije Bosne i Hercegovine izdat od nadležne institucije, sa stanjem ne starijim od 90 dana od dana raspisivanja javnog poziva,
- g) Obrazac MIP 1023 za mjesec decembar 2024. godine, a za SP specifikaciju o uplati doprinosa za mjesec decembar 2024. godine (obrazac 2002),
- h) Potpisanu i pečatom preduzeća/preduzetnika ovjerenu Izjavu od strane ovlaštenog lica o broju zaposlenih radnika na dan 31.12.2024. godine,
- i) Potpisanu i pečatom preduzeća/preduzetnika ovjerenu Izjavu od strane ovlaštenog lica o primanju državne pomoći.

j) Potvrdu poslovne banke o broju transakcijskog računa otvorenog kod iste - kopija

(2) Dokumenta iz stava (1) od tačke a) do tačke g) ovog člana se dostavljaju u originalu ili u kopiji ovjerenoj od strane nadležnog organa ovjere.

Član 10

(Potrebna dokumentacija za fizička lica nosioce poljoprivrednih gazdinstava)

(1) Fizička lica nosioci poljoprivrednih gazdinstava uz zahtjev prilažu slijedeća dokumenta:

- a) Potvrda banke ili mikrokreditne organizacije o redovnoj otplati kredita sa pregledom obračunatih i naplaćenih kamata (analitička kartica) za period za koji se vrši subvencija dijela kamate, odnosno za period od 01.01.2024. do 31.12.2024. godine, original ili ovjerena kopija;
- b) Ugovor o kreditu,
- c) Uvjerenje o mjestu probivališta na teritoriji Brčko distrikta BiH, ne starije od 6 (šest) mjeseci od dana raspisivanja javnog poziva,
- d) Dokaz da je lice upisano u Registar poljoprivrednih gazdinstava i Registar klijenata na području Brčko distrikta Bosne i Hercegovine, ne starije od 30 (trideset) dana od dana raspisivanja javnog poziva,
- e) Dokaz o broju transakcijskog-tekućeg računa na koji će se izvršiti uplata sredstava – kopija

(2) Dokumenta iz stava (1) od tačke a) do tačke d) ovog člana se dostavljaju u originalu ili u kopiji ovjerenoj od strane nadležnog organa ovjere.

Član 11

(Procedura odobravanja)

(1) Svi podneseni zahtjevi će po redoslijedu prijema od strane „RGFBD“ biti upisani u posebnu knjigu ulaza.

(2) Nakon zaprimanja zahtjeva, „RGFBD“ će formirati spisak podnosioca zahtjeva i uputiti zahtjev Direkciji za finansije Brčko distrikta Bosne i Hercegovine, Fondu zdravstvenog osiguranja Brčko distrikta BiH i Zavodu za zapošljavanje Brčko distrikta BiH u cilju pribavljanja podatka:

- a. o urednosti izmirenja obaveza po porezima i doprinosima u Brčko distriktu Bosne i Hercegovine,
- b. o visini uplaćenih poreza u Brčko distrikt Bosne i Hercegovine za 2024. godinu i uplaćenih doprinosa u Budžet Brčko distrikta BiH u 2024. godini

(3) „RGFBD“ vrši analizu prispjelih zahtjeva (u smislu ispunjavanja traženih uslova i ispravnosti podnešene dokumentacije).

(4) Po zahtjevima koji ne ispunjavaju tražene uslove propisane Programom i ovim Pravilima i procedurama, Direktor „RGFBD“ donosi prijedloge odluka o neodobravanju subvencije. Upravni odbor „RGFBD“ razmatra prijedloge odluka Direktora „RGFBD“ (uz svu predočenu dokumentaciju po zahtjevu) i donosi odluke o neodobravanju subvencije. Odluka Upravnog odbora „RGFBD“ o neodobravanju subvencije dostavljaju se podnosiocu zahtjeva, a jedan primjerak se arhivira sa predmetom u „RGFBD“.

(5) Utvrđivanje iznosa uplaćene i priznate kamate, izračunavanje procenta subvencionisanog dijela kamata i iznosa subvencionisanog dijela kamata vršiće se u skladu sa članom šest (6) ovih Pravila i procedura.

(6) Direktor „RGFBD“ donosi prijedloge odluka o odobravanju subvencije po zahtjevima.

(7) Na osnovu prijedloga odluka Direktora „RGFBD“, za odluke čiji iznosi subvencionisanog dijela kamata prelaze 15.000,00 KM, sačinjavaju se nacrti odluka na koje se od Pravobranilaštva Brčko distrikta Bosne i Hercegovine u skladu sa Zakonom o Pravobranilaštvu Brčko distrikta Bosne i Hercegovine traži mišljenje.

(8) Upravni odbor „RGFBD“ razmatra prijedloge odluka Direktora o odobravanju subvencije (uz svu predočenu dokumentaciju po zahtjevu) i donosi odluke o odobravanju subvencije. Odluka Upravnog odbora „RGFBD“ o odobravanju subvencije dostavlja se podnosiocu zahtjeva, a jedan primjerak se arhivira sa predmetom u „RGFBD“.

Član 12 **(Pravo žalbe)**

(1) Podnosilac zahtjeva ima pravo da u roku od pet (5) dana od dana prijema odluke podnese žalbu „RGFBD“ na odluku Upravnog odbora „RGFBD“.

(2) Žalbu razmatra Komisija za žalbe „RGFBD“, koju imenuje Direktor „RGFBD“.

(3) Sastav Komisije za žalbe „RGFBD“ čine: jedan predstavnik „RGFBD“ i dva predstavnika Odjeljenja za privredni razvoj, sport i kulturu.

(4) Komisija za žalbe „RGFBD“ će razmotriti prispjelu žalbu i o tome pismeno obavijestiti podnosioca zahtjeva.

Član 13 **(Način isplate sredstava korisnicima Programa)**

Po konačnosti odluke o odobravanju subvencije dijela kamata, „RGFBD“ će u roku od petnaest (15) dana izvršiti uplatu odobrenog iznosa na transakcijski-tekući račun podnosioca zahtjeva.

Član 14 **(Troškovi provizije)**

Troškovi provizije nastali prenosom sredstava na račune korisnika sredstava po osnovu Programa subvencionisanja dijela kamata priznaju se na teret rashoda „RGFBD“.

Član 15 **(Rok provođenja Programa)**

Rok za provođenje Programa je 31.12.2025.godine

Član 16 **(Stupanje na snagu)**

Ova Pravila i procedure stupaju na snagu danom donošenja i biće objavljen na oglasnoj tabli i web stranici „RGFBD“.



Predsjednik
Upravnog odbora:

Zoranka Grabus, prof.

